



Anei te Rorohiko

nā Tipene Watson
nā Maggie Gould ngā pikitia

Te Matapae

Ngā Mōhiotanga

Ngā Wheako
Whaiaro o Mua

He Whakatau – I mua i te pānuitanga i te pukapuka

- Me mātua whakatakoto te kaiako i tētahi tūāpapa mō te tamaiti kia kaingākau ai te tamaiti ki te pukapuka.
- Kia kaha ki te tō mai i ngā wheako whaiaro o te tamaiti e pā ana ki te horopaki.
- Me patapatai hei whakatenatena i te tamaiti ki te wānanga me te matapae i ngā kōrero o te pukapuka.

He tauira hei whakatau

1. Whakaaturia te uhi o te pukapuka ki te tamaiti. Uia ētahi pātai kia mōhio ai koe e pēhea ana ōna whakaaro mō te pukapuka.

Hei tauira: He aha te mahi a tēnei tamaiti? He rorohiko tāu i te kāinga? Whakamahi ai koe i te rorohiko? He aha āu mahi? He taputapu te rorohiko hei aha? He aha te mahi tino pai ki a koe i runga i te rorohiko?

2. Matapakihia te tapanga. Matapakihia ngā kārawarawa tuhituhi pēnei i ngā pū matua, ngā irakati, ngā tohu pātai me te aha noa atu.
3. Pātai atu: He aha ki tōu whakaaro te kaupapa o tēnei pukapuka?

Kupu Hou

- Me mātua whakaako te kaiako i ngā kupu hou i mua i te pānuitanga a te tamaiti i te pukapuka.
- Me wānanga te tamaiti i te tikanga o ngā kupu hou.
- Me rongo, me ako te tamaiti i te whakahua tika o ngā kupu hou.
- Me kite hoki te tamaiti i ngā kupu ā-tā o te pukapuka.

Te Whakaako i ngā Kupu Hou

- Kōrerotia ngā pikitia o te pukapuka
- Mahia he mahi whakaari
- Whakaaturia ētahi atu pikitia whai pānga
- Tautohua ngā kupu hou ā-tā.

He Ngohe

Hei Mahi 1: He ngohe kupu tēnei hei whakaū i ngā kupu hou o te pukapuka. I mua i te ako kupu ā-tā, me mōhio te tamaiti ki te tikanga me te whakahua tika o te kupu.

Hei Mahi 2: He ngohe whakarongo tēnei kia whai take, kia aro ai te tamaiti ki te whakahua o te reo i a ia e whakarongo ana ki te kōpae.

Ka whakaraupapahia e ia ngā pikitia, i a ia e whakarongo ana ki te kōrero. Hei muri mai ka titiro atu ai ki te pukapuka.

He Wānanga – I muri i te pānuitanga i te pukapuka

Hei Mahi mā te Kaiako

- Āta whakaritea ngā pātai
- Āta whakaakohia ngā kupu hou
- Whakaharataungia ngā kupu waiwai

Pātai arotahi: He aha tētahi wāhanga o te rorohiko?

He Whakamāramatanga

Te whakawhiti kōrero

- Ka whakawhiti kōrero te kaiako me te ākonga
- Ka whai wāhi te ākonga ki te pānui atu ki te kaiako
- Ka aroturuki te kaiako

He Tauira Pātai hei Whakapuaki Whakaaro

1. He aha te kaupapa o tēnei pukapuka?
2. He aha ngā wāhanga o te rorohiko?
3. Pēhea te āhua o te tamaiti? He aha ai?
4. Ki ōu nā whakaaro nā wai te rorohiko?
5. He aha te mea pai ake ki a koe ko te pukapuka, ko te rorohiko rānei? He aha koe i whakaaro pērā ai?

Hei Mahitanga:

- Ko te whakarongo anō ki te kōpae
- Ko te pānui a te ākonga i a ia e whakarongo ana ki te kōpae
- Ko te pānui a te ākonga ki a ia anō me te kore kōpae
- Ko te pānui atu ki tētahi hoa
- Ko te whakaoti i tētahi atu Hei Mahi.

Hei mahi 3: He ngohe pānui

Hei mahi 4: He ngohe tuhituhi

Ingoa: _____ **Te rā:** ____/____/____

Anei te Rorohiko

nā Tipene Watson

Me whiwhi:



kutikuti



kāpia



kōpae

papa kiore

mata

pūrere rorohiko

papa pātuhi

kiore



Ingao: _____ Te rā: ____/____/____

Anei te Rorohiko

nā Tipene Watson

I a koe e whakarongo ana ki te kōpae
whakaraupapahia ngā pikitia i runga i tāu i rongo ai.



Ingoa: _____ Te rā: ____/____/____

Anei te Rorohiko

nā Tipene Watson

Me whiwhi:




kutikuti



kāpia

Whakapirihia ngā kōrero e hāngai ana ki ngā pikitia.



Anei te mata rorohiko.

Anei te papa pātuhi.

Anei te pūrere rorohiko.

Anei te papa kiore.

Anei te kiore.

Anei te kōpae rorohiko.

Ingoa: _____ Te rā: ____/____/____

Anei te Rorohiko

nā Tipene Watson

Tuhia he kōrero mō ia pikitia









